

AXUDAS Á INVESTIGACIÓN 2021

A Universidade da Coruña convoca axudas á investigación para o ano 2021. Estas axudas serán avaliadas de xeito competitivo e concederanse en función das disponibilidades económicas das partidas orzamentarias. As axudas imputaranse ás partidas que se indican no seguinte cadro, dotadas axeitadamente para este fin nos orzamentos da UDC para o ano 2021.

Accións	Partida	Dotación
Visitas/encontros de investigadores	05.00.05.01.25.541A.649.00.00	10.000€
Congresos/xornadas de investigación	05.00.05.01.25.541A.649.00.01	25.000€
Participación no H2020 e noutras convocatorias internacionais	05.00.05.01.25.541A.649.00.02	5.000€
Estadías posdoutorais de investigación	05.00.05.01.14.541A.481.01	90.000€
Compensación de gastos asociados á tramitación de patentes	05.00.05.01.25.541A.649.00.03	5.000€
Apoio á atracción de talento	05.00.05.01.25.541A.649.00.04	5.000€

Non obstante, os créditos poderán redistribuírse entre as diferentes accións cando o número de solicitudes presentadas e avaliadas favorablemente así o permitan.

Esta convocatoria aprobouse na reunión da Comisión de Investigación do 14 de decembro de 2020, e comprende as seguintes clases de axudas:

1. Visitas e encontros de investigadores
2. Organización de congresos e xornadas de investigación
3. Intensificación da participación no programa H2020 e noutras convocatorias internacionais.
4. Estadías posdoutorais de investigación
5. Compensación de gastos asociados á tramitación de patentes
6. Apoio á atracción de talento

NORMAS XERAIS PARA TODAS AS ACCIÓNS

CARACTERÍSTICAS DOS SOLICITANTES, EXCEPTO APOIO Á CAPTACIÓN DE TALENTO:

- Deben ser membros en servizo activo do PDI da UDC, que presten os seus servizos na UDC no momento de resolverse a convocatoria e tamén durante todo o período de execución da actividade para a que se solicita a axuda.
- Deben figurar no Catálogo de Investigación da UDC, agás se actúan en representación dun órgano colexiado, nas accións que así o permitan.
- Deben terse presentado de xeito individual á avaliación pola Axencia Estatal de Investigación (AEI) no período 2016–2021, ou pertencer a un grupo de investigación ou unidade que se presentase á avaliación pola AEI nese período.

Para proceder ao pagamento, a persoa solicitante debe estar ao corrente coa UDC no cumprimento das obrigas contraídas con ocasión de axudas ou anticipos concedidos.

FORMALIZACIÓN E LUGAR DE PRESENTACIÓN DAS SOLICITUDES:

Para a formalización das solicitudes empregaranse obrigatoriamente os formularios dispostos a tal fin para cada acción, anexados a esta convocatoria. As solicitudes, dirixidas ao Vicerreitor de Política Científica, Investigación e Transferencia, poderanse presentar únicamente a través do Rexistro Electrónico da UDC ([https://sede.udc.gal/services/telematic register](https://sede.udc.gal/services/telematic_register)).

PROTECCIÓN DE DATOS PERSOAIS

O tratamento dos datos persoais necesarios para a xestión das axudas que se indican nesta convocatoria rexeráse polo disposto na [normativa de protección de datos da UDC, aprobada no Consello de Goberno do 23 de xullo de 2019](#).

De acordo co artigo 13 do Regulamento (UE) 2016/679, do Parlamento Europeo e do Consello, do 27 de abril, relativo á protección das persoas físicas no que respecta ao tratamento de datos persoais e á libre circulación destes datos (Regulamento xeral de protección de datos ou RXPd), e co artigo 11 da Lei orgánica 3/2018, do 5 de decembro, de protección de datos persoais e garantía dos dereitos dixitais, informamos que os datos que a persoa interesada facilite mediante a concorrencia a esta convocatoria, serán tratados baixo a responsabilidade da Universidade da Coruña (UDC), cuxos datos de contacto son R/Maestranza 9, 15001, A Coruña, teléfono 981167000, correo electrónico secretariaxeral@udc.gal.

A finalidade do tratamento destes datos persoais é a concesión das axudas que se indican nesta convocatoria. Todas as persoas que teñan acceso a estes datos coa citada finalidade cumprirán o deber de confidencialidade establecido no artigo 5 da Lei orgánica 3/2018, do 5 de decembro, de protección de datos persoais e garantía dos dereitos dixitais (LOPD).

Mediante a concorrencia a esta convocatoria, a persoa interesada consente expresamente a publicación dos seus datos na resolución da solicitude nos taboleiros físicos da UDC e dentro do Taboleiro Oficial da Sede Electrónica da UDC, na forma prevista na disposición adicional 7ª da Lei orgánica 3/2018, de protección de datos persoais. A resolución desta convocatoria permanecerá publicada nos citados taboleiros durante 1 ano.

Estes datos trátaranse durante o tempo imprescindible para cumprir coa finalidade indicada nesta convocatoria. Unha vez finalizada a relación de prestación do servizo, os datos serán bloqueados e permanecerán almacenados durante 6 anos, sen prexuízo da posibilidade de exercer en calquera momento o dereito de solicitar a supresión dos datos.

A persoa interesada consente o tratamento dos datos para os efectos de cumprir coa finalidade descrita nesta convocatoria, e terá dereito a retirar o seu consentimento en calquera momento, sen efectos retroactivos. Ten dereito a lle solicitar ao responsable do tratamento, en calquera momento, o acceso, rectificación ou supresión dos seus datos persoais e a limitación do seu tratamento. Tamén terá dereito a se opoñer ao citado tratamento, así como a solicitar, salvo casos de interese público e/ou exercicio de poder público, a portabilidade dos seus datos. Estes dereitos poderaos exercer mediante unha solicitude remitida ao seguinte enderezo: Secretaría Xeral, Reitoría da Universidade da Coruña, R/Maestranza 9, 15001 A Coruña ou ao correo electrónico secretariaxeral@udc.gal, coa referencia «protección de datos», a través dun escrito asinado para o efecto, a que se lle xuntará a fotocopia do seu DNI. Igualmente poderá dirixir esta solicitude directamente ao Delegado de Protección de Datos, ao mesmo enderezo postal anteriormente indicado, ou ao correo electrónico dpd@udc.gal. Así mesmo, vostede ten dereito a presentar unha reclamación ante a Axencia Española de Protección de Datos (AEPD).

RESOLUCIÓNS E ALEGACIÓNS:

Os anuncios relativos a esta convocatoria publicaranse no Taboleiro de Anuncios da Sede Electrónica da UDC. A correspondente documentación poderá consultarse tamén na sección de convocatorias da web da Vicerreitoría de Política Científica, Investigación e Transferencia:

https://www.udc.es/gl/investigacion/convocatorias_udc/

Todos os prazos se iniciarán ao día seguinte da correspondente publicación na Sede. Toda a documentación que nun momento ou outro se precise ou se estime oportuno achegar deberá presentarse obrigatoriamente polo Rexistro Electrónico da UDC.

Unha vez rematado o prazo de presentación de solicitudes, publicarase unha listaxe provisional de admitidos e excluídos. As persoas excluídas por mor de defectos na súa solicitude disporán dun prazo de dez días naturais para subsanalos. No caso de non o facer, considerarase que desisten da súa petición. Non se axustar á convocatoria, así como a ocultación de datos, a súa alteración, ou calquera manipulación da información solicitada, serán causas de desestimación da solicitude.

As propostas provisionais de concesión das axudas serán elaboradas pola Comisión de Investigación e publicadas na Sede. Contra estas propostas, as persoas interesadas poderán formular as súas alegacións no prazo de dez días naturais. Unha vez transcorrido este prazo e analizadas, se for o caso, as alegacións pola Comisión de Investigación, a proposta remitirase ao Vicerreitor de Política Científica, Investigación e Transferencia, que resolverá definitivamente por delegación do reitor. A Comisión de Investigación, delegada do Consello de Goberno, resolverá todas as incidencias que xurdiren na aplicación desta convocatoria. As competencias e composición desta comisión detállanse en:

https://www.udc.es/gl/goberno/organos_colexiados_e_estatutarios/consello_goberno/comisions_estables/index.html

ANEXOS:

Anexo I: Desenvolvemento de cada unha das accións

Anexo II: Formularios

Anexo III: Contías máximas das estadías

Anexo IV: Contías máximas dos desprazamentos

Para máis información: Servizo de Investigación, Sección de Xestión de Convocatorias e Axudas a Investigadores. Teléfono: 981 167 000 ext. 5762, 5761. Correo electrónico: axudasudc@udc.es

A Coruña, 15 de marzo de 2021

O Vicerreitor de Política Científica, Investigación e Transferencia

Salvador Naya Fernández

ANEXO I

DESENVOLVEMENTO DE CADA UNHA DAS ACCIÓNS

1. VISITAS E ENCONTROS DE INVESTIGADORES
2. ORGANIZACIÓN DE CONGRESOS E XORNADAS DE INVESTIGACIÓN
3. INTENSIFICACIÓN DA PARTICIPACIÓN NO PROGRAMA H2020 E NOUTRAS CONVOCATORIAS INTERNACIONAIS
4. ESTADÍAS POSDOUTORAIS DE INVESTIGACIÓN
5. COMPENSACIÓN DE GASTOS ASOCIADOS Á TRAMITACIÓN DE PATENTES
6. APOIO Á ATRACCIÓN DE TALENTO

1. VISITAS E ENCONTROS DE INVESTIGADORES

OBXECTIVOS DO PROGRAMA

- Facilitar e promover as reunións de traballo e de debate na UDC con investigadores que estean a dirixir traballos análogos noutros centros de investigación, preferentemente estranxeiros, co obxecto de que dean lugar, a curto prazo, a publicacións conxuntas e/ou colaboracións.
- Financiar parcialmente a visita de investigadores de sona internacional que poidan pronunciar conferencias en temas da súa especialidade e discutir, cos membros da UDC que os convidan, os aspectos de interese en relación coa investigación que desenvolven.

O programa do encontro/visita deberá ter unha duración mínima de tres días consecutivos e máxima de cinco. As actividades que se realicen deberán ser constatables e contar cun programa de traballo detallado.

ORZAMENTO

Estas axudas financiaranse con cargo á partida orzamentaria 05.00.05.01.11.541A.649.00.00

SOLICITANTES

Os/as investigadores/as da UDC que, de xeito individual ou en grupo ou unidade, cumpran os seguintes requisitos particulares:

- Que na data de presentación da solicitude, cando menos, un deles estea a realizar ou finalizase nos dous últimos anos naturais un proxecto de investigación, ou de transferencia de tecnoloxía, ou axuda de consolidación subvencionado polas administracións públicas internacionais, nacionais ou autonómicas, a través de convocatorias públicas competitivas. Tamén se admitirán as solicitudes de grupos ou unidades que, aínda que non cumpran o anterior, xustifiquen que a reunión proposta se alíña coas recomendacións feitas pola AEI no seu informe de avaliación do grupo e que contribúe a mellorar os puntos débiles sinalados no informe.
- Que se comprometan a presentar solicitude no ano 2021 en convocatorias públicas externas, con análoga finalidade.

FORMALIZACIÓN DAS SOLICITUDES

As solicitudes dirixiranse ao vicerreitor de Política Científica, Investigación e Transferencia mediante a presentación da seguinte documentación:

- Breve currículo, centrado nos últimos cinco anos, dos investigadores visitantes que participarán no encontro/visita. Atenderase principalmente á investigación que estean a dirixir e a súa relación coa investigación que realizan os/as solicitantes.
- Currículo de cada un dos investigadores/as que formulan a solicitude, agás os avaliados pola AEI no período 2016–2021.
- Confirmación da asistencia de cada un dos investigadores invitados.
- Programa do encontro/visita.
- Declaración de todas as axudas solicitadas e/ou concedidas para o mesmo fin e compromiso de solicitude en convocatorias externas de análoga finalidade.

- Xustificación de que a reunión proposta se alíña coas recomendacións feitas pola AEI no seu informe de avaliación do grupo e que contribúe a mellorar os puntos débiles sinalados no informe, asinada polo/a coordinador/a.

PRAZO DE PRESENTACIÓN

Esta convocatoria contará cunha resolución anual. O prazo de presentación de solicitudes rematará o día 30 de xuño de 2021.

NATUREZA E CONTÍA DO FINANCIAMENTO

As subvencións contribuirán exclusivamente ao financiamento da estadia na UDC e do desprazamento dos visitantes de fóra de Galicia, segundo os importes que figuran nos anexos III e IV. O financiamento non poderá exceder do 75% do orzamento. O resto deberá financiarse por medio de recursos procedentes doutros organismos ou entidades, ou recursos propios do grupo ou unidade de investigación. Esta axuda non poderá exceder de 3.000 euros por reunión e 1.000 euros por visitante. As persoas beneficiarias destas axudas teñen a obriga de declarar todas as outras axudas conseguidas para a mesma finalidade e devolver a parte da axuda da UDC sobranse, no caso de que o importe conxunto de todas as axudas supere o 100% do orzamento presentado.

Non poderán financiarse con esta clase de axudas accións que solapen coas financiadas mediante a de Organización de Congresos e Xornadas, ou a de Intensificación da Participación no Programa H2020 e noutras Convocatorias Internacionais, comprendidas nesta mesma convocatoria.

PROCEDEMENTO PARA O PAGAMENTO

A Vicerreitoría de Política Científica, Investigación e Transferencia transferirá á partida do centro, que se xere para tal efecto, o importe concedido. Esta partida será xestionada pola persoa que solicitase a axuda.

AVALIACIÓN E SELECCIÓN

A Comisión de Investigación arbitrará os mecanismos e os medios para avaliar e seleccionar as solicitudes, e resolverá estas nun prazo non superior a dous meses, que se contará a partir da data de remate de presentación das solicitudes.

Os criterios de avaliación recollerán as perspectivas de participación futura nos programas da UE e equivalentes que se poidan abrir grazas a esta visita/encontro, así como o informe de avaliación realizado pola AEI sobre o investigador individual, o grupo ou a unidade na última ocasión en que se presentou a avaliación, tendo en conta o aliñamento da acción proposta coas recomendacións do citado informe de avaliación da AEI. En calquera caso daráselles prioridade a solicitudes colectivas sobre solicitudes individuais.

Nesta convocatoria un mesmo membro do PDI só poderá participar nunha solicitude, e non poderá haber máis dunha solicitude que implique a membros dun mesmo grupo ou unidade.

Despois de se efectuar a valoración, publicarase a proposta provisional de concesión das axudas.

SEGUIMIENTO

Dentro do mes seguinte ao remate da visita/encontro presentarase á Vicerreitoría de Política Científica, Investigación e transferencia a través do rexistro electrónico da UDC unha xustificación da asistencia e dos gastos dos investigadores invitados e un informe das actividades realizadas e a súa valoración. De non se presentar o informe xustificativo neste período, entenderase que se renuncia á axuda.

Calquera modificación do período da visita/encontro deberáselle solicitar á Vicerreitoría de Política Científica, Investigación e Transferencia.

2. ORGANIZACIÓN DE CONGRESOS E XORNADAS DE INVESTIGACIÓN

OBXECTIVOS DA CONVOCATORIA

Estimular a organización de congresos, xornadas e reunións científicas durante o ano 2021 que teñan por sede a propia UDC e que permitan o intercambio de coñecementos entre especialistas españois e estranxeiros, calquera que sexa a súa denominación (congreso, coloquio, simposio, seminario, xornadas etc.) sempre que se cumpra o **requisito imprescindible de presentación e de defensa de traballos científicos orixinais por e entre especialistas de sona internacional, que deberán ser publicados nun libro de actas ou de *proceedings* con ISBN, ou requisito equivalente en caso de formato distinto ao de papel impreso. A selección de traballos debe rexerse por un proceso de avaliación recollido na documentación sobre o congreso. Exclúense os cursos e xornadas formativas ou que non teñan carácter de investigación.**

Para os efectos desta convocatoria enténdese que son reunións científicas internacionais (tipo A) aquelas organizadas por encargo de organismos, institucións ou sociedades de carácter internacional de recoñecido prestixio no ámbito da investigación. Ademais, o comité organizador deberá estar integrado por membros que pertencen a tres ou máis estados. Son reunións científicas nacionais (tipo B) aquelas organizadas por encargo de organismos, institucións ou sociedades de carácter nacional de recoñecido prestixio no ámbito da investigación. Dentro desta categoría, darase un trato diferencial (subtipo B1) ás que acrediten un significativo impacto internacional, medido en termos de participación de ponentes invitados procedentes doutros países. O resto das reunións científicas (tipo C) deberá contar cun comité científico e un comité organizador. Para a adxudicación destas axudas valorarase a periodicidade dos eventos e a alternancia das sedes, así como a concorrencia a outras convocatorias públicas e o financiamento externo documentado. Non se terán en consideración as actividades que contén con financiamento doutra vicerreitoría. Non serán financiadas nesta acción as actividades que se encadren nos obxectivos das convocatorias de axudas para a organización de cursos, xornadas e cursos de verán financiadas pola UDC.

ORZAMENTO

Estas axudas financiaranse con cargo á partida orzamentaria 05.00.05.01.12.541A.649.00.01

SOLICITANTES

- Os departamentos, os institutos e os centros da UDC, a través dos seus directores, designando un investigador responsable da organización.
- Os grupos de investigación da UDC, a través dos seus coordinadores, designando un investigador responsable da organización.

O responsable da actividade debe ser un investigador do catálogo da UDC que se presentara á avaliación da AEI (ben de xeito individual ou formando parte dun grupo ou unidade) no período 2016–2020.

FORMALIZACIÓN DAS SOLICITUDES

As solicitudes acompañaranse da seguinte documentación:

- 1) Programa científico xustificativo da reunión
- 2) Relación de membros do comité organizador e/ou comité científico
- 3) Memoria económica con indicación dos ingresos e dos gastos previstos, así como o importe das cotas de inscrición
- 4) Se for o caso, o documento en que conste o encargo da organización do congreso por parte do organismo, da institución ou da sociedade de carácter nacional ou internacional.
- 5) Copia do procedemento feito público para a selección e avaliación de traballos

Departamentos, institutos ou centros:

- 6) Informe, aprobado polo Consello de Departamento, Consello de Instituto ou Xunta de Centro, en que se acredite o interese do congreso e no que se designe a persoa responsable da actividade.

Grupos de investigación:

- 7) Breve resumo da investigación que está a realizar o grupo, en que se indique o financiamento con que conta e o interese do congreso, e no que se designe o membro do grupo que será responsable da actividade.

PRAZO DE PRESENTACIÓN

Esta convocatoria contará cunha resolución anual. O prazo de presentación de solicitudes rematará o día 30 de xuño de 2021.

NATUREZA E CONTÍA

O financiamento para esta finalidade non poderá exceder do 75% do orzamento aprobado da reunión. O resto deberá financiarse por medio de recursos procedentes doutros organismos ou entidades. Esta axuda non poderá exceder de 1.500 euros no caso de reunións de tipo C, de 3.000 euros por reunión de tipo B (4.000 euros se é do subtipo B1), e de 6.000 euros no caso de reunións de tipo A. Os beneficiarios destas axudas teñen a obriga de declarar todas as outras axudas conseguidas para a mesma finalidade, e de devolver a parte da axuda da UDC sobranse, no caso de que o importe conxunto de todas as axudas supere o 100% do orzamento presentado.

Non poderán financiarse con esta clase de axudas accións que solapen coas financiadas mediante a de Visitas e Encontros de Investigadores, ou a de Intensificación da Participación no Programa H2020 e noutras Convocatorias Internacionais, comprendidas nesta mesma convocatoria.

PROCEDEMENTO PARA O PAGAMENTO

A Vicerreitoría de Política Científica, Investigación e Transferencia transferirá á partida do centro, que se xere para tal efecto, o importe concedido. Esta partida será xestionada pola persoa que fose designada responsable da acción.

AVALIACIÓN E SELECCIÓN

A Comisión de Investigación avaliará e seleccionará as solicitudes, tendo en conta a duración, o ámbito da reunión (tipos A, B ou C) e os demais obxectivos da convocatoria, nun prazo non superior a dous meses, que se contará a partir da data de remate de presentación das solicitudes. Nesta convocatoria soamente se poderá solicitar unha axuda por grupo, por departamento, por instituto ou por centro solicitante.

Despois de se efectuar a valoración, publicarase a proposta provisional de concesión das axudas.

SEGUIMIENTO

Unha vez publicadas as actas da reunión deberán comunicar a URL da súa publicación á Vicerreitoría de Política Científica, Investigación e transferencia a través do rexistro electrónico da UDC. A organización fará constar, en toda a información e na documentación da reunión, a colaboración prestada por esta Vicerreitoría.

3. INTENSIFICACIÓN DA PARTICIPACIÓN NO PROGRAMA H2020 E NOOUTRAS CONVOCATORIAS INTERNACIONAIS

OBXECTIVOS DO PROGRAMA

- Financiar o desprazamento de investigadores da UDC para participar en accións conducentes á solicitude de proxectos competitivos da UE ou outros organismos internacionais. Entre eles cítase a asistencia aos info days, aos brokerage events e ás reunións entre parceiros do consorcio dunha proposta para presentar no H2020, ou no programa que lle suceda no marco da Unión Europea.

As actividades que se realicen deberán ser constatables e contar cun programa de traballo detallado.

ORZAMENTO

Estas axudas financiaranse con cargo á partida orzamentaria 05.00.05.01.13.541A.649.00.02

SOLICITANTES

Os/as investigadores/as da UDC, de xeito individual ou en grupo ou unidade, que cumpran os seguintes requisitos particulares:

- Que na data de presentación da solicitude, cando menos, un deles estea a realizar ou finalizase nos dous últimos anos naturais un proxecto de investigación, ou de transferencia de tecnoloxía, ou axuda de consolidación subvencionado polas administracións públicas internacionais, nacionais ou autonómicas, a través de convocatorias públicas competitivas. Tamén se admitirán as solicitudes de grupos ou unidades que aínda que non cumpran o anterior, xustifiquen que a reunión proposta se alíña coas recomendacións feitas pola AEI no seu informe de avaliación do grupo e que contribúe a mellorar os puntos débiles sinalados no informe.
- Que o solicitante se comprometa a redactar e presentar a proposta na próxima convocatoria da acción de que se trate no H2020 ou no programa que suceda a este na UE, ou noutra convocatoria dun organismo internacional. O solicitante debe comprometerse a presentar, no seu momento, a copia da memoria de solicitude deste co informe favorable do consultor de apoio co que conte a UDC.

FORMALIZACIÓN DAS SOLICITUDES

As solicitudes acompañaranse da seguinte documentación:

- 1) Breve currículo, centrado nos últimos cinco anos, dos investigadores principais de cada un dos equipos que participarán na proposta. Atenderase principalmente á investigación que están a dirixir e á súa relación coa investigación que realizan os/as solicitantes.
- 2) Currículo de cada un dos investigadores/as da UDC que formulan a solicitude, agás se xa fosen avaliados pola AEI no período 2016–2021.
- 3) Programa detallado da actividade concreta para a que solicita axuda.
- 4) Xustificación de que a proposta se alíña coas recomendacións feitas pola AEI no seu informe de avaliación do grupo e que contribúe a mellorar os puntos débiles sinalados no informe, asinada polo/a coordinador/a.
- 5) Compromiso por escrito do solicitante en relación coa presentación do dito proxecto na seguinte convocatoria e posteriormente copia da memoria de solicitude deste, co informe favorable do consultor de apoio co que conte a UDC.

PRAZO DE PRESENTACIÓN

Esta convocatoria contará con tres resolucións anuais. O primeiro prazo de presentación de solicitudes rematará o día 31 de marzo de 2021, o segundo o 30 de xuño de 2021, e o terceiro o 16 de setembro de 2021.

NATUREZA E CONTÍA DO FINANCIAMENTO

As subvencións contribuirán exclusivamente ao financiamento da estadía e do desprazamento dos membros da UDC, segundo os importes que figuran nos anexos III e IV. O financiamento non poderá exceder do 75% do orzamento. O resto deberá financiarse por medio de recursos procedentes doutros organismos ou entidades ou recursos propios do grupo ou unidade de investigación. Esta axuda non poderá exceder de 2.000 euros por solicitude, se o equipo da UDC é o líder do consorcio e de 1.000 euros noutro caso. As persoas beneficiarias destas axudas teñen a obriga de declarar todas as outras axudas conseguidas para a mesma finalidade e devolver a parte da axuda da UDC sobranse, en caso de que o importe de todas as axudas supere o 100% do orzamento presentado.

Non poderán financiarse con esta clase de axudas accións que solapen coas financiadas mediante a de Visitas e Encontros de Investigadores, ou a de Organización de Congresos e Xornadas de Investigación, comprendidas nesta mesma convocatoria.

PROCEDEMENTO PARA O PAGAMENTO

A Vicerreitoría de Política Científica, Investigación e Transferencia transferirá á partida do centro, que se xere para tal efecto, o importe concedido. Esta partida será xestionada pola persoa que solicitase a axuda.

AVALIACIÓN E SELECCIÓN

A Comisión de Investigación arbitrará os mecanismos e os medios para avaliar e seleccionar as solicitudes e resolverá estas nun prazo non superior a dous meses, que se contará a partir da data de remate de presentación das solicitudes.

Os criterios de avaliación recollerán as accións levadas a cabo polo solicitante para a presentación da proposta. En particular, terase en conta o informe da OTRI sobre as accións levadas a cabo polo solicitante e o informe do consultor de apoio co que conte a UDC sobre o grao de maduración da proposta. Tamén será tido en conta o informe de avaliación realizado pola AEI sobre o investigador individual, o grupo ou a unidade na última ocasión en que se presentou a avaliación, tendo en conta o aliñamento da acción proposta coas recomendacións do citado informe de avaliación da AEI. Tamén se terá en conta se o equipo da UDC é o líder ou non do consorcio solicitante.

Nesta convocatoria un mesmo investigador/a só poderá participar nunha solicitude e non poderá haber máis de dúas solicitudes que impliquen a membros dun mesmo grupo ou unidade.

Despois de se efectuar a valoración, publicarase a proposta provisional de concesión das axudas.

SEGUIMIENTO

Dentro do mes seguinte ao remate da acción presentarase á Vicerreitoría de Política Científica, Investigación e Transferencia a través do rexistro electrónico da UDC unha xustificación da asistencia e dos gastos dos investigadores e un informe das actividades realizadas e a súa valoración. De non se presentar o informe xustificativo neste período, entenderase que se renuncia á axuda. Ademais, unha vez remate o prazo da seguinte convocatoria dese tipo de proxectos, o solicitante debe remitir copia da memoria de solicitude da proposta presentada ao H2020 (ou outra convocatoria internacional) xunto co informe favorable do consultor de apoio co que conte a UDC. Calquera modificación do período da acción deberáselle solicitar á Vicerreitoría de Política Científica, Investigación e Transferencia.

4. ESTADÍAS POSDOUTORAIS DE INVESTIGACIÓN

OBXECTIVOS DA CONVOCATORIA

Fomentar que investigadores/as doutores/as do Catálogo da UDC que solicitaran ser avaliados pola AEI nas convocatorias de 2016 a 2021 (ben de xeito individual, ou ben pertencentes a grupos ou unidades avaliadas pola AEI nesas convocatorias) realicen estadías en centros de investigación de fóra de Galicia para realizar traballos colaborativos de investigación, utilizar as técnicas necesarias para o desenvolvemento da súa investigación ou coñecer novas técnicas de traballo ou novas infraestruturas de investigación ou acceder a fondos documentais non dispoñibles por outra vía. Poderán ser obxecto de axuda todas as estadías que se realicen ou teñan realizado no período comprendido entre o 1 de abril de 2020 e o 31 de decembro de 2021.

A duración mínima da estadía subvencionada será de dezaseis días e a duración máxima será de tres meses.

ORZAMENTO

Estas axudas financiaranse con cargo á partida orzamentaria 05.00.05.01.14.541A.481.01

SOLICITANTES

- O PDI doutor e os contratados posdoutorais de programas de recursos humanos internacionais, estatais ou da Xunta de Galicia. Nestes últimos casos, se o contrato de que se benefician recolle na propia convocatoria a posibilidade dunha dotación adicional para viaxes fóra da Comunidade Autónoma, só poderán beneficiarse da axuda da UDC cando teñan esgotadas as axudas correspondentes ás súas bolsas ou aos seus contratos.
- As persoas con contratos predoutorais de programas de recursos humanos internacionais, estatais ou da Xunta de Galicia, que xa sexan doutores no período de realización da estadía. Se o contrato de que se benefician recolle na propia convocatoria a posibilidade dunha dotación adicional para viaxes fóra da Comunidade Autónoma, só se poderán beneficiar da axuda da UDC cando teñan esgotadas as posibilidades de axudas das súas bolsas ou dos seus contratos.
- As persoas contratadas como investigadores con cargo aos proxectos, aos convenios e aos contratos vixentes asinados pola UDC, que posúan o título de doutor, cando o réxime de compatibilidades do seu contrato o permita.

Non poderán solicitar estas axudas os estranxeiros que teñan unha bolsa que corresponda a un programa de formación de estranxeiros en España e en ningún caso se financiarán estadías en ningún país en que os solicitantes tiveran vinculación contractual ou estudos previos nos últimos cinco anos. Unha mesma persoa non poderá facer mais dunha solicitude nesta convocatoria, sendo a dita solicitude correspondente a unha única estadía.

En calquera caso, os solicitantes deberán contar co permiso ou licenza para a realización da estadía, que deberá aparecer reflectido no portal do persoal.

FORMALIZACIÓN DAS SOLICITUDES

As solicitudes acompañaranse da seguinte documentación:

I) Todas as persoas solicitantes deberán entregar:

- 1) Xustificación de que os obxectivos da estadía se aliñan coas recomendacións feitas pola AEI nos seus informes de avaliación, e de que esta contribuirá a mellorar os puntos débiles sinalados nos informes. No caso de grupos ou unidades, esta xustificación deberá ser asinada pola persoa que os coordine.

- 2) Documento que acredite a admisión no centro para o que se solicita a estadía. Será necesario que neste documento se faga constar a viabilidade de realizar o traballo proposto. Se este documento está en trámite, deberase acompañar a copia da correspondencia que se mantivo para tal fin.
- 3) Copia da solicitude presentada para as convocatorias de bolsas para estadías, se as houber, nacionais ou autonómicas. De non poder concorrer a estas convocatorias, entregárase o documento xustificativo deste extremo.
- 4) Breve memoria coa xustificación do interese que a estadía representa para o traballo de investigación que está a realizar. Debe indicarse a previsión de publicacións conxuntas ou de resultados da colaboración que se prevén como froito da estadía.

II) As persoas contratadas como investigadores/as con cargo a proxectos, convenios ou contratos deberán entregar ademais:

- 5) Acreditación de que posúen o título de doutor

PRAZO DE PRESENTACIÓN

Esta convocatoria contará cunha resolución anual. O prazo de presentación de solicitudes rematará o día 30 de xuño de 2021.

NATUREZA E CONTÍA

Estas axudas comprenden unha parte destinada a sufragar parcialmente os custos de viaxe e outra os de estadía a partir do décimo sexto día, ao entenderse que os primeiros 16 días da estadía poden e deben financiarse coa axuda plurianual do grupo, unidade, ou investigador individual do que dependa o solicitante. Os contratados posdoutorais Xunta da modalidade A poderán percibir na fase de estadía unha única axuda para os custos de viaxe e unha axuda fixa de 475€ para a súa instalación no país de destino. **Con carácter xeral, nesta convocatoria soamente se poderá conceder unha axuda de viaxe por solicitante**, e computaranse, para estes efectos, as axudas UDC-Banco de Santander para mobilidade internacional. Esta axuda é incompatible con calquera outra concedida en convocatorias públicas para a mesma finalidade. A aceptación da axuda leva consigo o compromiso de solicitar esoutras da mesma finalidade se houberse tales convocatorias públicas, e a persoa solicitante comprométese, en caso de concedérselle algunha delas, a reembolsar a axuda concedida por esta universidade.

A persoa solicitante comprométese a se dedicar de maneira exclusiva ao traballo proposto.

Porén, como se trata dunha axuda parcial, pódense complementar os custos da viaxe a cargo de proxectos de investigación en que participe a persoa solicitante ou outros fondos de investigación que estean relacionados directamente con esta acción e que recollan este concepto, sempre e cando o importe das cantidades percibidas, illadamente ou en concorrencia, non superen o custo total da actividade subvencionada.

O importe será establecido pola Comisión de Investigación, delegada do Consello de Goberno, en función do lugar de destino. Os importes máximos para estadías e para viaxes figuran nos anexos III e IV desta convocatoria. A duración mínima das estadías subvencionadas é de dezaseis días e a máxima de tres meses.

Financiarase a viaxe e os días de estadía comprendidos entre o décimo sétimo e o último día desta (ou o nonaxésimo, se a estadía é de máis de tres meses). O pagamento realizarase segundo o procedemento establecido.

PROCEDEMENTO PARA O PAGAMENTO

O 70% da axuda farase efectiva á persoa interesada no momento da concesión da axuda. O 30% restante aboarase unha vez remitida á Vicerreitoría de Política Científica, Investigación e Transferencia, a través do rexistro electrónico da UDC, dentro do mes seguinte ao do seu retorno, a seguinte documentación:

- Breve resumo do traballo realizado, indicando a previsión de publicacións que se prevén como froito da estadía.
- Copia do certificado expedido no centro receptor, en que se especifique o tempo da estadía.
- Dado que os custos dos primeiros dezaseis días de estadía se financiarán con cargo a fondos propios do grupo, unidade ou investigador individual, proxectos ou a outros fondos de investigación, deberase presentar un certificado de gastos coas imputacións ás diferentes partidas orzamentarias e co visto e prace do responsable de asuntos económicos do centro. De non se complementaren os custos de viaxe, deberase entregar unha declaración neste sentido asinada pola persoa solicitante.
- De non se cumpriren estas condicións no prazo establecido perderase automaticamente o 30%. Se, unha vez transcorrido outro mes, non se cumpre esta condición considerarase que a persoa solicitante renuncia e deberá reintegrar o importe concedido.

Estas axudas, segundo o art. 7 da Lei 26/2014 de 27 de novembro pola que se modifica a Lei 35/2006 de IRPF, están exentas deste imposto.

AVALIACIÓN E SELECCIÓN

A Comisión de Investigación, delegada do Consello de Goberno, arbitrará os mecanismos e os criterios adicionais, se for o caso, para avaliar e seleccionar as solicitudes presentadas, nun prazo non superior a dous meses que se contará a partir da data de remate de presentación das solicitudes. Terase en conta o último informe de avaliación da AEI do investigador individual, e mesmo do grupo ou unidade de investigación a que pertence, valorando o aliñamento dos obxectivos da estadía coas recomendacións do citado informe de avaliación da AEI.

Despois de se efectuar a valoración, publicarase a proposta provisional de concesión das axudas.

SEGUIMIENTO

Calquera interrupción ou aprazamento do período de aproveitamento da estadía deberá ser autorizado pola Vicerreitoría de Política Científica, Investigación e Transferencia, tras o informe do motivo do cambio, feito pola persoa solicitante e achegando como documentación a autorización do departamento, do centro ou do instituto ou, se for o caso, do director do proxecto de investigación.

5. COMPENSACIÓN DE GASTOS ASOCIADOS Á TRAMITACIÓN DE PATENTES

OBXECTIVOS DA CONVOCATORIA

Promocionar a protección de resultados de investigación, tanto a través de solicitudes de novas patentes nacionais ou no exterior, como a extensión internacional de patentes solicitadas no territorio español, con posibilidades reais de xerar retornos, sempre que a titularidade sexa da UDC e a súa tramitación se faga ao abeiro do Regulamento de propiedade intelectual e propiedade industrial da Universidade da Coruña, aprobado polo Consello Social da UDC o 18 de xullo de 2012 (DOG 31 de agosto de 2012). Ademais das patentes propiamente ditas son obxecto de subvención calquera outras figuras de protección da propiedade intelectual e industrial das recollidas no Regulamento.

CONCEPTOS SUBVENCIONABLES

Estas subvencións destinaranse a cofinanciar os gastos derivados dos trámites que se relacionan a continuación:

- Custos relacionados coas actuacións por parte dun axente da propiedade industrial para a presentación da solicitude (elaboración ou revisión da memoria, reivindicacións etc).
- Custos relacionados con estudos de patentabilidade.
- Taxas de solicitude de patentes no exterior (novas patentes ou extensión de patentes nacionais) ou en España, de ser o caso.
- Gastos relacionados coa evolución e o seguimento da solicitude de patente (accións oficiais, informes e outros).
- Taxas de mantemento de patentes a nivel internacional.
- Poderase considerar calquera outro gasto relacionado coa protección de resultados.

As actividades obxecto da subvención serán aquelas que xeraron gastos desde o 1 de setembro de 2020 ata o 31 de agosto de 2021.

ORZAMENTO

Estas axudas financiaranse con cargo á partida orzamentaria 05.00.05.01.15.541A.649.00.03

SOLICITANTES

Os/as investigadores/as do Catálogo da UDC que solicitaran ser avaliados pola AEI nas convocatorias de 2016 a 2021 (ben de xeito individual, ou ben pertencentes a grupos ou unidades avaliadas pola AEI nesas convocatorias). Admitiranse solicitudes individuais ou en grupo. No caso de que existan varios solicitantes, polo menos un deles debe estar nas condicións anteriormente citadas. Nese caso deberá especificarse a porcentaxe de autoría de cada un dos solicitantes no produto para patentar ou rexistrar. Indicarase un investigador principal, que será o responsable da xestión da axuda e que debe cumprir os requisitos fixados neste punto.

FORMALIZACIÓN DAS SOLICITUDES

As solicitudes acompañaranse da seguinte documentación:

- 1) Acreditación da presentación de solicitude da patente ou rexistro estatal, se se solicita unha extensión xeográfica (a outros estados).

- 2) Memoria descriptiva e xustificativa da novidade da invención, no caso de solicitudes novas (non patentadas ou rexistradas previamente).
- 3) Xustificación de que a patente se alíña coas recomendacións feitas pola AEI nos seus informes de avaliación individuais dos membros do equipo ou do grupo ou unidade de investigación e que esta contribuirá a mellorar os puntos débiles sinalados nos informes, asinada polo/a coordinador/a.
- 4) Facturas e xustificantes de pagamento relacionados cos gastos incorridos polo solicitante
- 5) Manifestación de interese por parte dalgunha empresa/socio para a súa explotación, de ser o caso.

PRAZO DE PRESENTACIÓN

Esta convocatoria contará cunha única resolución e permanecerá aberta ata o 16 de setembro de 2021.

NATUREZA E CONTÍA

O financiamento para esta finalidade non poderá exceder do 50% dos gastos relacionados cos conceptos subvencionables sinalados anteriormente. O importe restante deberá financiarse por medio dos propios recursos do grupo, unidade ou investigadores individuais solicitantes. Esta subvención é incompatible con calquera outro financiamento da UDC concedido para a mesma finalidade.

PROCEDEMENTO PARA O PAGAMENTO

A Vicerreitoría de Política Científica, Investigación e Transferencia transferirá o importe concedido á partida do grupo, unidade ou departamento (no caso de inv. Individuais) desde a que se pagou a factura. Esta partida será xestionada pola persoa investigadora designada como IP desta acción.

AVALIACIÓN E SELECCIÓN

A Comisión de Investigación avaliará e seleccionará as solicitudes, tendo en conta a traxectoria dos solicitantes, o éxito (retornos) de patentes previas e as expresións de posibles interesados en explotar os resultados ou a tecnoloxía, nun prazo non superior a dous meses que se contará a partir da data de remate de presentación das solicitudes. A Comisión poderá solicitar un informe técnico á OTRI da UDC. Entre os elementos que se van utilizar neste proceso terase en conta o informe de avaliación da AEI dos investigadores solicitantes, ben como membros individuais, ben como grupo ou unidade de investigación, tendo en conta o aliñamento dos obxectivos da patente coas recomendacións do citado informe de avaliación da AEI. Tamén se valorará o posible interese da patente por parte dunha empresa para a súa explotación comercial, que deberá acreditarse por escrito.

Un investigador individual ou un conxunto de investigadores individuais só poderán presentar unha solicitude. O número máximo de solicitudes non pode ser superior a dúas para un mesmo grupo ou unidade.

Despois de se efectuar a valoración, publicarase a proposta de concesión das axudas na páxina web da Vicerreitoría de Política Científica, Investigación e Transferencia.

SEGUIMIENTO

A tramitación da patente ou rexistro farase na UDC coa colaboración dos técnicos da OTRI, que velarán polo cumprimento do Regulamento de propiedade intelectual da UDC.

6. APOIO Á ATRACCIÓN DE TALENTO

OBXECTIVOS DA CONVOCATORIA

Facilitar a incorporación á UDC de novos investigadores posdoutorais procedentes de programas de Incorporación de Talento de carácter autonómico, nacional ou internacional, mediante axudas para financiar os seus traslados de residencia. Poderán ser obxecto de axuda todas as incorporacións que se realizen ou se teñan realizado no período comprendido entre o 1 de setembro de 2020 e o 31 de agosto de 2021.

CONCEPTOS SUBVENCIONABLES

Estas subvencións destinaranse a cofinanciar os gastos derivados do desprazamento do beneficiario ata a cidade de A Coruña e o seu aloxamento ata fixar a súa nova residencia permanente, para incorporarse ao seu posto de traballo na UDC.

ORZAMENTO

Estas axudas financiaranse con cargo á partida orzamentaria 05.00.05.01.15.541A.649.00.04

SOLICITANTES

Poderán solicitar esta axuda os investigadores que se incorporen ou se teñan incorporado á UDC por calquera das seguintes vías de acceso: (i) contratados do programa Ramón y Cajal, (ii) contratados do programa Beatriz Galindo, (iii) persoas que finalizasen o programa Ramón y Cajal en outras universidades, obtivesen o certificado I3 e se incorporen como profesores á UDC en virtude da taxa de reposición do 15%, (iv) outros programas de Incorporación de Talento Investigador posdoutoral de carácter autonómico, nacional ou internacional.

Só poderá solicitarse esta axuda unha vez, por cada investigador/a incorporado/a.

FORMALIZACIÓN DAS SOLICITUDES

As solicitudes acompañaranse da seguinte documentación:

- 1) Copia do acordo de incorporación ou copia do contrato coa UDC.
- 2) Declaración de outras axudas solicitadas para a mesma finalidade.
- 3) Plan de viaxe

PRAZO DE PRESENTACIÓN

Esta convocatoria contará con tres resolucións anuais. O primeiro prazo de presentación de solicitudes rematará o día 31 de marzo de 2021, o segundo o 30 de xuño de 2021, e o terceiro o 16 de setembro de 2021.

NATUREZA E CONTÍA

Concederáse unha axuda única de un máximo de 1000€ para financiar o traslado do investigador á cidade de A Coruña e o establecemento da súa nova residencia. Esta axuda poderase complementar con cargo a proxectos de investigación nos que participe a persoa solicitante ou a outros fondos de investigación que estean relacionados con esta acción e que recollan este concepto, sempre e cando o importe das cantidades percibidas, illadamente ou en concorrencia, non superen o custo total da actividade subvencionada.

PROCEDEMENTO PARA O PAGAMENTO

O 70% da axuda farase efectiva á persoa interesada no momento da concesión da axuda. O 30% restante aboarase unha vez remitida á Vicerreitoría de Política Científica, Investigación e Transferencia, a través do rexistro electrónico da UDC, dentro dos tres meses seguintes á súa incorporación, a seguinte documentación:

- Certificado expedido no centro de incorporación.
- Certificado de empadramento no seu novo lugar de residencia habitual
- De non se cumpriren estas condicións no prazo establecido, perderase automaticamente o 30%. Se, unha vez transcorrido outro mes, non se cumpre esta condición considerarase que a persoa solicitante renuncia e deberá reintegrar o importe concedido.

AVALIACIÓN E SELECCIÓN

A Comisión de Investigación valorará as solicitudes tendo en conta a vía de acceso dos investigadores ao cadro de persoal da UDC, o seu lugar de procedencia e o seu plan de viaxe.

Despois de se efectuar a valoración, publicarase a proposta de concesión das axudas na páxina web da Vicerreitoría de Política Científica, Investigación e Transferencia.

SEGUIMIENTO

Calquera modificación das datas de incorporación ou do plan de viaxe deberá ser autorizado pola Vicerreitoría de Política Científica, Investigación e Transferencia, tras o informe do motivo do cambio, feito pola persoa solicitante.

ANEXO II

FORMULARIOS DE SOLICITUDE DE CADA UNHA DAS ACCIÓNS

1. VISITAS E ENCONTROS DE INVESTIGADORES
 - Compromiso de solicitude doutras axudas para visitas/encontros
2. ORGANIZACIÓN DE CONGRESOS E XORNADAS DE INVESTIGACIÓN
 - Compromiso de solicitude doutras axudas para a organización de congresos e xornadas
3. INTENSIFICACIÓN DA PARTICIPACIÓN NO PROGRAMA H2020 E NOOUTRAS CONVOCATORIAS INTERNACIONAIS
 - Compromisos horizonte 2020
4. ESTADÍAS POSDOUTORAIS DE INVESTIGACIÓN
 - Declaración de estadías
 - Informe do/a director/a do traballo de investigación sobre a estadía
 - Autorización da estadía polo/a investigador/a responsable do proxecto/contrato/convenio
5. COMPENSACIÓN DE GASTOS OCASIONADOS POLA TRAMITACIÓN DE PATENTES
6. GASTOS DE INSTALACIÓN DE NOVOS INVESTIGADORES

ANEXO III

CONTÍAS MÁXIMAS PARA AS ESTADÍAS

	Menos dun mes (a partir do día 16º)	A partir do día 31º en estadias de 2 meses ou menos	A partir do día 61º
España, Portugal	70 €/día	35 €/día	26 €/día
América Latina África	60 €/día	30 €/día	23 €/día
Resto do mundo	80 €/día	40 €/día	35 €/día

ANEXO IV

CONTÍAS MÁXIMAS DOS DESPRAZAMENTOS

Cidades a menos de 600 km ou sen conexión aérea	0,19 €/km
Cidades con conexión aérea directa desde Alvedro ou Lavacolla (Barcelona, Madrid, Lisboa, Londres etc.)	250 €
Cidades españolas con conexión non directa	300 €
Resto de Europa	500 €
Resto do mundo	1 300 €